

قورآني شوبهه و ايمام هادي نين (ع) جوابي

موسي بن محمد دئير: بير گون يحيي بن اكنمي گوردوم. مندن نچه سوال سوروشدو، سونرا قارداشيم ايمام هادي نين (ع) محضرينه گلديم...

موسي بن محمد دئير: بير گون يحيي بن اكنمي گوردوم. مندن نچه سوال سوروشدو، سونرا قارداشيم ايمام هادي نين (ع) محضرينه گلديم و اونان دانيشقلار آپارديم كي اونون اطاعتين منه لازيم اتله دي. اونلاردان سوروشدوم: قوربانين اولوم! يحيي بن اكنم مندن نچه سوال سوروشوب و جواب ايستير.

ايمام هادي (ع) بويوردو: اونون جوابين وئردين؟

دئديم: بوخ اونلارين جوابين بيلميريم.

امام هادي (ع) بويوردولار: سواللار نه ايديلر؟

دئديم: بير يازي وئردي كي اونا يازيلميشدي: آلايه تعالا قورآندا بويورور: « كيتابدان اونا بهره اولان شخص (سليمانا) دئدي: من (سبا ملكه سي نين) تختيني سن كيپليك وورماميش بورا گتيره رم.» (1) سوال سوروشان حضرت سليمان و جواب وئرن آصف (بن برخيا) دير. آيا پيغمبر آصفين علمينه احتياجي وار؟

و بو آيه ده «اگر سنه گوندرديغيميزدا شكين اولسا، اونا آسماني كيتابلارين اوخويانلاريندان سوروش» (2) اگر بو آيه نين مخاطبي پيغمبر اوزو اولسا پس، او دا شكه دوچار اولوب و اگر مخاطب ايريسي اولسا، اونا قوران كي مه نازيل اولوب؟ . . .

امام هادي (ع) بويوردو: بيله سينه ياز؟

دئديم: نه يازيم؟

بويوردولار: ياز بسم الله الرحمن الرحيم. آلايه سني هدايت اتله سين. يازديغين اليميزه چاتدي و ايستيردين اونان بيزي ايمتحان اتليه سن و اگر جوابيندا قصور اولسا، بيزه طعنه ووراسان؛ البته آلايه سني اوز نيتينده موجازات انده جاق. بيز سواللاريا جواب وئرميشوق، بيل و قولاق اس و دوشونماغيوي اونون قاباغيندا ذليل اتله و اورگيوي اونا مشغول اتله، البته حوجت سنه قورتولوب، والسلام

بو آيه ده « كيتابدان اونا بهره اولان شخص (سليمانا) دئدي: من (سبا ملكه سي نين) تختيني سن كيپليك وورماميش بورا گتيره رم.» سليمان، (آصف) بيلنه و اوندان چوخا عاليميدي؛ لاكين ايستيردي اوز اومتينه جين و انس اولاراق، بيلديرسين كي اوندان سونراكي حوجت، (آصف) دير و آصفين اتله ديغي آلايه نين ايدني كي سليماندان اويرنميشدي تا اونون رهبرليغي و ويلايتينده ايختيلاف يارانماي و هامي يا حوجت تمام اولار.

و بو آيه ده «اگر سنه گوندرديغيميزدا شكين اولسا، اونا آسماني كيتابلارين اوخويانلاريندان سوروش» آيه نين مخاطبي پيغمبرين اوزودور و او حضرتده، بير ذره ده اونا گوندريلن باره سينده، شك يوخيدي؛ لاكين جاهيل لر دئيرديلر: نيه آلايه ملكلردن پيغمبر مبعوث اتله مه دي؟ نيه آلايه اوز پيغمبريني يئماقدان و كوچه لرده گنديب گلماقدان بي نياز اتله مه دي؟

بونا خاطر رسول اكرمه وحي اتله دي كي تا جاهيل معتريضلرين يانيندا، كيتابي (توراتي) اوخويانلاردان سوروشسون:

آيا آلايه اينديه جن بير پيغمبر گوندريب كي يئيب ايچمه سين و بازارلاردا گنديب گلمه سين؟ (و چون بئله دئيبيل پس ائي محمد سنده اونلارا تايسان و بو موربده ايريلارينان فرقين يوخدور.)

و بو كي آلايه تعالي: « فان كنت في شك » (اگر شكين وار) تعبيريني ايشله ديب -بونان بئله كي پيغمبرين هنجوقت شك يوخيدي- بونا خاطر ايدني كي دانيشيق و موجاديله ده اينصافي رعايت اتله سين. نچه كي آلايه تعالا موباهيله آيه سينده بويورور: « ائي پيغمبر كافرلره) دنگينن: گلين هاميميز اوشاقلار و ازوادلاريميزي چاغيراق؛ سونرا موباهيله اتلياق و پالانچيلارا آلايه نين لعنتين گوندراق» (3) اگر آلايه بويورسادي كي: «گلين آلايه نين لعنتين سيزه گوندراق، اونلار حقين دعوتين قبول اتله مزديلر. بونا گوره بونان بئله كي آلايه بيليردي گوندرديغي و پيغمبري دوز دانيشاندير و وظيفه سينني انجام وئريب و هابئله پيغمبر اوزو ياخجي بيليردي كي دنديقلاريندا صاديقدير لاكين بوجور ياخجي بيلدي كي دانيشيقدا اينصافي رعايت اتله و پالانچيلاري رد اتله . . .

آلت يازيلار:

1- "قال الذي عنده علم من الكتاب أنا أتيك به قبل أن يرتد إليك طرفك" (نمل سوره سي ، آيه 40)

2- "فان كنت في شك مما انزلنا إليك فاسئل الذين يقرؤون الكتاب" (يونس سوره سي ، آيه 94)

3- "فقل تعالوا ندع ابنائنا وابنائكم ونسائنا ونسائكم وانفسنا وانفسكم ثم نبتهل فنجعل لعنة الله على الكاذبين" (آل عمران سوره سي ، آيه 61)

منبع: تحف العقول، حسن بن شعبه حراني، 481 - 476- جي صفحه لر.